



UNIVERSITÄTS-  
BIBLIOTHEK  
PADERBORN

## **Fama Postvma Praesvlvm Antverpiensivm**

**Hugo, Hermann**

**Antverpiae, 1611**

Horatio Flacco Torrentii Notis illustrato.

---

[urn:nbn:de:hbz:466:1-69073](https://nbn-resolving.org/urn:nbn:de:hbz:466:1-69073)



Artifici calamo refugis.  
 Frustrà suprema culmina gloria  
 Olim petisset, néve perennius  
 Poëma construxisset ære,  
 Nè cariem tuus arcuisset  
 LÆVINE sudor; circuis integrum  
 TORRENTE nomen, tu prohibes edax  
 Adnare tempus, quod paratas  
 Comminuat rapiâtque lauros.

Franciscus Marcelli, Antwerp.

HORATIO FLACCO  
 TORRENTII Notis illustrato.

EXERE FLACCE caput, mediisque è faucibus Orci  
 Vates magne redi. non invidiosa vetustas  
 Ignavo torpere situ squallentia iussit  
 Scripta, vel ingenij fœtus post fata parentis  
 De rapto tutore queri; exemptumque sepulchro  
 Vivit opus, nescitque mori; nil invida carpfit  
 Etatum caries, nil fœda silentia terris,  
 Nil cui nocuere mora, plorandaque quondam  
 Tempora, cum Aonidum iacuit calcata sororum  
 Gloria, & iniisum violentior extulit orbi  
 Barbaries iurata caput: tuus integer ille  
 Spirat adhuc calor, extinctosque resuscitat ignes  
 LÆVINI accendente manu, qui lumina multum  
 E flammis radiata tuis efferre sub auras  
 Etheris, & doctos gaudet nutrire labores,  
 Atque ausus lustrare tuos. quod fama superstes  
 Dat vitam scriptis, dat longum in secula nomen,  
 Et magnum post fata decus, quod gloria fastis

Tra-



Tradiderit, Musasque suo transmiserit auro,  
 LÆVINO debetur honos; qui implexa resolvens,  
 Nodosâ enodans, altâ sub nocte sepulta  
 Erui, ablatum reddit; truncata refingit:  
 Et velut ex cerâ format qui corporis artus,  
 Sic propriis membris errantia membra maritat,  
 Ut coeant, rursusque nouo concreta calore  
 Artifici viuos ducant sub pollice vultus:  
 Utque faber fuluum cum spectat in ignibus aurum,  
 Attentat, vitia expendens, & adultera fumus  
 Æra, vagis quoties ludibria ventilat auris;  
 Consulit ardentem flammam, atque igne magistro  
 Materiâque aurumque probat: sic omnia solers  
 Discutit, & vitia explorans, se indice tollit  
 Quæ tollenda videt, verâ radiantia luce  
 Ex ipso fulgore probans, nec subdolos error  
 Ingenio censore latet, pura omnia splendent  
 Natiuumque decus LÆVINO teste fatentur,  
 Et veluti selecta placent: sola illa fatentur  
 Sese posse minus, calamo que indice nondum  
 LÆVINI que probata manu. sed Musa querelas  
 Supprime: quid frustra incensas? non omnia fatum  
 Permisit, letique grauis furor: abstulit ille,  
 Abstulit, & nostro rapuit crudelior orbi  
 Extremum mors ausa nefas, mediosque labores  
 Abscidit, & tantis manus ultima defuit ausis.

Theodorus Middelton, Antuerp.

LÆVINO TORRENTIO  
 FLACCI Aristarcho.

Q Valiter arguto præludit gutture fatis  
 Dulcis olor, proprij dñ blandus funeris augur,  
 Parca-